

16 AUG 1997

Agong-Indonesia

AGONG UCAP TAHNIAH KEPADA PRESIDEN SUHARTO SEMPENA MERDEKA

KUALA LUMPUR, 16 Ogos (Bernama) -- Yang di-Pertuan Agong Tuanku Ja'afar dan Raja Permaisuri Agong Tuanku Najihah hari ini mengucapkan tahniah kepada Presiden Suharto dan rakyat Indonesia sempena sambutan ulangtahun ke-52 kemerdekaan republik itu.

Tuanku Ja'afar berharap hubungan dua hala yang rapat dapat dipertingkatkan lagi dengan berlandaskan kepada semangat persaudaraan serta kejiranan demi kesejahteraan kedua-dua negara.

Perdana Menteri Datuk Seri Dr Mahathir Mohamad turut mengucapkan tahniah kepada Presiden Suharto dan berharap tali persahabatan dan persaudaraan antara rakyat Malaysia dan Indonesia dapat dipertingkatkan.

"Saya berdoa semoga Bapak dan seluruh rakyat Indonesia diberkati Allah dan negara Indonesia terus maju dan makmur dan mencapai kejayaan ke tahap yang lebih tinggi pada masa hadapan," katanya.

Timbalan Perdana Menteri Datuk Seri Anwar Ibrahim turut mengambil kesempatan mengucapkan tahniah kepada Naib Presiden Indonesia Try Sutrisno.

Menteri Luar Datuk Seri Abdullah Ahmad Badawi juga mengucapkan tahniah kepada Menteri Luar Indonesia Ali Alatas. --BERNAMA

NZ MAI